

Innheimtumiðstöð réttihafa, IHM

Gagnsæisskýrsla vegna ársins 2024

Lögð fram á aðalfundi fulltrúaráðs IHM 30. maí 2025

Upplýsingar um fjárhag félagsins, reikningsskil og efnahagsreikning félagsins er að finna í ársreikningi IHM fyrir árið 2024, sem er partur af þessari gagnsæisskýrslu. Er einkum vísað til ársreikningsins um þau málefni. Þar sem efni ársreikningsins sleppir, eru neðangreindar útskýringar til frekari fyllingar, að teknu tilliti til áskilnaðar laga nr. 88/2019. Sameiginlega mynda skýrsla þessi og ársreikningur félagsins gagnsæisskýrslu sem ætlað er að uppfylla áskilnað laga nr. 88/2019.

1. Upplýsingar sem eiga að koma fram í árlegri gagnsæisskýrslu sem um getur í 23. gr. laga nr. 88/2019

Samkvæmt ákvæði 1. liðar viðauka við lög nr. 88/2019 skulu nánar tilgreindar upplýsingar koma fram í árlegri gagnsæisskýrslu sem um getur í 23. gr. laganna. Að því leyti sem þær upplýsingar fást ekki ráðnar af ársreikningi félagsins er neðangreindum liðum þessa kafla ætlað að upplýsa um þau atriði sem greinir í liðum a.- h. 1. liðar viðauka laganna. Umfjöllun í eftirtöldum liðum samsvarar sömu bókliðum í 1. tl. viðauka laganna.

a. Reikningsskil sem innihalda efnahagsreikning eða yfirlit yfir eignir og skuldir, rekstrarreikningur fyrir fjárhagsárið 2024 og yfirlit um sjóðstreymi

Þær upplýsingar sem nefndar eru í lið 1.a. er að finna í ársreikningi félagsins fyrir árið 2024.

b. Skýrsla um aðgerðir á árinu 2024

Síðasti aðalfundur IHM var haldinn þann 4. júní 2024.

Alls voru 8 stjórnarfundir haldnir á starfsárinu.

Á árinu móttök IHM kr. 290.261.000 frá ríkinu vegna eintakagerðar til einkanota miðað við kr. 243.700.00 árið áður. Er um að ræða hækkun um tæpar 47 milljónir milli ára eða sem nemur 19,1%.

Tekjur félagsins vegna endurvarps skv. 23. gr. a. höfundalaga og ólínulegrar notkunar sjónvarpsefnis voru kr.108.911.000 á árinu sem er lækkun úr kr. 119.900.000 frá fyrra ári eða lækkun um 9,16%. Greiðendur vegna þessa liðar eru Síminn hf., SYN hf. og Nova hf.

Á árinu var unnið að því að ná nýju samkomulagi við fjarskiptafyrirtækin í samstarfi við UBOI en sú vinna kláraðist ekki. Ágætlega gekk í viðræðunum en utanaðkomandi aðstæður höfðu áhrif á viðræðurnar.

Á árinu var jafnframt unnið að samkomulagi við UBOI um skiptingu innkomu vegna endurvarps. Þær viðræður gengu erfiðlega og enduðu þær með því að UBOI sagði upp samningi sínum við IHM. Tók sú uppsögn gildi um áramótin 2024/2025. Samningaviðræðum við UBOI verður haldið áfram og er stjórn IHM jákvæð á að samningar náist fljótlega.

Á árinu var jafnframt unnið að því að ná sátt innan IHM um skiptingu tekna vegna endurvarpsins. Ekki náðist samkomulag vegna þessa. Í september 2023 ákvað stjórn IHM að skipa Ásgerði Ragnarsdóttur sem sáttasemjara skv. gr. 7.1. í samþykktum IHM.

Ásgerður sagði sig frá verkefninu í september 2024. Framhald þeirrar vinnu heldur áfram á vettvangi stjórnar.

Unnið var að breytingum samþykka á stjórnskipan IHM og þá sérstaklega til fjölda stjórnarmanna og fjölda fulltrúaráðsmanna. Ekki náðist að klára þá vinnu. Áfram verður unnið að breytingum á samþykktum IHM.

IHM er í alþjóðlegur samstarfi. IHM er með gagnkvæma samninga við systursamtök sín á Norðurlöndum, en um er að ræða Copydan í Danmörku, Copyswede í Svíþjóð og Norwaco í Noregi. Þá halda þessi samtök reglulega fundi þar sem framkvæmdastjórar félagasamtakanna hittast og ræða það sem er efst á baugi. Á árinu 2024 voru haldnir tveir slíkir fundir, í Oslo og Kaupmannahöfn.

Í desember 2024 hlaut IHM viðurkenningu ráðuneytis til sameiginlegrar umsýsæu tiltekinna höfundaréttinda. Nánar tiltekið hlaut IHM viðurkenningu sem samtök réttihafa til þess bær að gera og hafa umsýslu með samningskvaðasamningum skv. 1. mgr. 23. gr. a. og 1. mgr. 23. gr. b höfundalaga og umsýslu bóta á grundvelli 4. mgr. 11. gr., sbr. 4. mgr. 26. gr. a höfundalaga nr. 73/1972.

Að öðru leyti vísast til skýrslu stjórnar IHM sem lögð er fram á aðalfundi fulltrúaráðs IHM þann 30. maí 2025.

Framkvæmdastjóri IHM er Björgvin Halldór Björnsson en hann starfar í 50% starfi hjá félagasamtökunum.

c. Upplýsingar um synjun leyfisveitingar á grundvelli 5. mgr. 26. gr. d höfundalaga

Engar synjanir um leyfisveitingar á grundvelli 5. mgr. 26. gr. höfundalaga fóru fram á vegum IHM á árinu 2024.

d. Lýsing á rekstrarformi félagsins að lögum og stjórnunarháttum

IHM er félagasamtök, en aðildar njóta þeir aðilar sem uppfylla skilyrði samþykka IHM. Skilyrði eru tíunduð þar, auk lýsingar á stjórnunarháttum félagsins. Vísast til efnis samþykktanna, eins og þær eru hverju sinni, en þær eru aðgengilegar hér: http://ihm.is/Um_IHM/Samthykkir/

e. Upplýsingar um einingar sem eru beint eða óbeint í eigu eða undir yfirráðum sameiginlegu umsýslustofnunarinnar, að fullu eða að hluta

Engar einingar eru beint eða óbeint í eigu eða undir yfirráðum félagsins.

f. Upplýsingar um heildarfjárhæð þóknunar sem um getur í ákvæði 1.f. í viðauka laga nr. 88/2019

Sú þóknun sem greidd er einstaklingum sem annast daglegan rekstur IHM, sem og stjórnarmeðlimum sem annast eftirlit, er tilgreind í ársreikningi félagsins, undir lið 5 í skýringum: „Laun á skrifstofu“ og „Laun stjórnar“.

g. Fjárhagsupplýsingar sem um getur í 2. lið viðauka laganna

Um þær upplýsingar vísast til umfjöllunar hér fyrir neðan.

h. Notkun fjárhæða sem koma til frádráttar vegna félagslegrar, menningarlegrar og menntunartengdrar þjónustu

Engum fjárhæðum er úthlutað eða koma til frádráttar vegna félagslegrar, menningarlegrar og menntunartengdrar þjónustu.

2. Fjárhagsupplýsingar sem eiga að koma fram í árlegri gagnsæisskýrslu, sbr. 2. liður

Samkvæmt ákvæði 2. liðar viðauka við lög nr. 88/2019 skulu nánar tilgreindar upplýsingar koma fram í árlegri gagnsæisskýrslu. Að því leyti sem þær upplýsingar fást ekki ráðnar af ársreikningi félagsins er neðangreindum liðum þessa kafla ætla að upplýsa um þau atriði sem greinir í liðum a.-d. 2. liðar viðauka laganna. Umfjöllun í eftirtöldum liðum samsvarar sömu bókliðum í 2. tl. viðauka laganna.

a. Upplýsingar um tekjur af réttindum fyrir hvern réttindaflokk sem umsjón er höfð með og hverja tegund notkunar

Í ársreikningi félagsins koma fram allar upplýsingar um þær tekjur sem félagið hefur af réttindum og/eða notkun réttinda.

b. Upplýsingar um kostnað við umsýslu réttinda og aðra þjónustu sem sameiginlega umsýslustofnunin veitir réttihöfum

Rekstrarkostnaður félagsins skiptist til milli annars vegar rétthafa sem eiga réttindi á grundvelli 11. gr. höfundalaga (70%) og hins vegar rétthafa sem eiga réttindi tengd endurvarpi sjónvarpsrása (30%) skv. 23. gr. a höfundalaga, sem og tengd réttindi. Kostnaður sem fellur til sérstaklega vegna réttindagæslu annars rétthafahópsins er sérstaklega tilgreindur og dreginn frá réttindagreiðslum til þess rétthafahóps.

Sundurliðun slíkra fjárhæða að öðru leyti, sem og tilgreiningu á kostnaðarliðum sem hafa verið greiddir með þeim fjármunum á árinu 2024, er að finna í ársreikningi félagsins.

c. Upplýsingar um réttindagreiðslur til rétthafa með ítarlegri lýsingu

Úthlutunum og greiðslum til rétthafa á árinu 2024 er lýst með ítarlegum hætti í ársreikningi félagsins.

d. Upplýsingar um tengsl við aðrar sameiginlegar umsýslustofnanir

Félagið er með gagnkvæma samninga við systurfélög sín á norðulöndum. Þau eru Copydan, Copyswede og Norwaco.